

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) a u vezi sa članom 22. Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12), a na prijedlog Ureda premijera Zeničko-dobojskog kantona, Vlada Zeničko-dobojskog kantona, na 70. sjednici, održanoj 12.07.2012.godine, d o n o s i

ZAKLJUČAK

o usvajanju Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (BCD203), pozicija „Tekući transferi pojedincima“, Budžeta Zeničko-dobojskog kantona za 2012. godinu

I.

Usvaja se Program utroška finansijskih sredstava sa kriterijima za dodjelu sredstava, sa razdjela 11 – Ured premijera, budžetska organizacija 01, potrošačka jedinica 001, ekonomski kod 614200 (BCD203), pozicija „Tekući transferi pojedincima“, Budžeta Zeničko-dobojskog kantona za 2012. godinu u iznosu od 10.000,00 KM (slovima: deset hiljada konvertibilnih maraka), i čini sastavni dio ovog zaključka.

II.

Sredstva iz Programa iz tačke I. zaključka realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom vlade.

III.

Sredstva iz člana I. ovog zaključka koristiće se po prijedlogu Ureda premijera, na osnovu akta kojeg donosi Vlada.

IV.

Za realizaciju ovog zaključka zadužuju se Ured premijera i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ured premijera,
1x Ministarstvo finansija,
1x a/a.

PROGRAM

utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (BCD203), pozicija „Tekući transfer pojedincima“, Budžeta Zeničko-dobojskog kantona za 2012. godinu

1. NAZIV PROGRAMA

- Program utroška finansijskih sredstava sa kriterijima za dodjelu sredstava, sa razdjela 11 – Ured premijera, budžetska organizacija 01, potrošačka jedinica 0001, ekonomski kod 614200 (BCD203), pozicija „Tekući transfer pojedincima“, Budžeta Zeničko-dobojskog kantona za 2012. godinu

2. OPIS (SVRHA) PROGRAMA

- Ovim programom Vlada Zeničko-dobojskog kantona (u daljem tekstu: Vlada), u skladu sa svojim ovlaštenjima i u budžetu planiranim sredstvima, želi dati materijalnu pomoć pojedincima (osobama) kojima su ta sredstva potrebna, a čije finansiranje nije obuhvaćeno finansiranjem drugih budžetskih korisnika.

3. POTREBNA SREDSTVA ZA PROVOĐENJE PROGRAMA

- U Budžetu Zeničko-dobojskog kantona u ovu svrhu planirana su sredstva u iznosu od 10.000,00 KM na razdjelu 11, budžetska organizacija 01, potrošačka jedinica 0001, ekonomski kod 614200 (subanalitika BCD 203), pozicija „Tekući transfer pojedincima“ Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj 5/12).
- Planirana sredstva u za ovu namjenu u budžetu Zeničko-dobojskog kantona raspoređuju se na sljedeće pozicije u Programu:

Broj	Pozicija u Programu	Iznos
1	2	3
1	Nagrade za izuzetne uspjehe u radu	3.000,00
2	Pomoć u liječenju i nabavci neophodnih lijekova	3.000,00
3	Pomoć kod prirodnih i drugih nesreća	3.000,00
4	Rezervna sredstva	1.000,00
Ukupno		10.000,00

- Sredstva iz Programa utroška finansijskih sredstava, sa razdjela 11 – Ured premijera, budžetska organizacija 01, potrošačka jedinica 001, Budžeta Zeničko-dobojskog kantona za 2012. godinu, pozicija „Tekući transfer pojedincima“, realizovat će se u skladu sa odobrenim mjesečnim planovima, a usklađeno sa realizacijom ostvarenih javnih prihoda u prethodnom mjesecu, osim u slučajevima odobrenim posebnom odlukom Vlade.

4. KRITERIJI ZA DODJELU SREDSTAVA

Osnovni kriteriji za dodjelu sredstava su da su pojedincu potrebna sredstva za:

- priznanje njihovih uspjeha u radu i stvaralaštvu,
- nabavku lijekova kod hroničnih i teških oboljenja,
- pomoć pojedincima stradalim u prirodnim i drugim nesrećama,
- sanaciju i stvaranje minimuma uslova za život poslije nesreća,
- dodjela sredstava pojedincima za realizaciju projekata koji nisu realizovani putem drugih resornih Ministarstava.

5. POSTUPAK ZA DODJELU SREDSTAVA

Zahtjev za dodjelu sredstava zainteresovani pojedinci ili organizacije predlagači dodjele sredstava, podnose Uredu premijera Zeničko-dobojskog kantona, koji će nakon pozitivne ocjene zahtjeva u skladu sa općim i posebnim kriterijima iz ovog programa, a u skladu sa članom 22. Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj 5/12), predložiti Vladi Zeničko-dobojskog kantona dodjelu sredstava.

Sredstva iz programa se odobravaju zaključkom Vlade, u kome će se utvrditi obaveza korisnika sredstava, da poslije okončanog projekta ili manifestacije dostavi Uredu premijera izvještaj o utrošku sredstava.

6. ZAKLJUČNE ODREDBE

Za realizaciju izvršenja programa, kao i praćenje pravilnosti i dinamike utroška sredstava zaduženi su Ured premijera i Ministarstvo finansija.

Broj: 02-_____ /12.

Datum, 12.07.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Ured premijera,

1x Ministarstvo finansija,

1x a/a.